



後村先生大全集卷第三十三

詩



信庵丞相為余作墨梅二軸謝以小詩
天昇村翁一段奇發幽虹氣貫茅茨肯移金鼎調元
手為作玉龍藥雪枝絕豔從教百花妬秘藏莫遣六
丁知信庵丞相親分付麾去花光與補之

挽長樂王明府澤之子濩之姪

奉常齟齬坐剛腸月旦評君小奉常父子相傳似孤
竹越鄞兩處有甘嘗人間夢事一炊熟宰上埋辭萬
丈光西澗葉尚曾識尊公與賢叔薤歌吟罷意悽涼

書銘墓

題梁撫幹見一堂 應庚

勇歸陶子元非矯素懶嵇公每不堪僧賀新堂初見
一友忻舊徑再開三渠儂去矣涯之北此士豪哉斗
以南遮莫肯招房客不老僧或可作同參

送古為徐聘君

少君蚤有箕山志昔者聞之西澗公傾蓋無堪贈程
子式間猶記弔林宗老夫久已植其杖此士孰能招
以弓菴笑心知難再面亂山千疊暮雲濃

梅月為蚤虱所苦各賦二絕

劣如針粟大出沒似通靈不但能膏吻元來善隱形

二

稍出牀敷上忽逃衣縫中說文真有理字汝曰跳蚤

右蚤

汝圖膏血飽吾惜體膚傷景略捫差快宜師撲不妨

二

嘴利鋒銳毒形微膽智麤延緣司諫領遊戲相君鬚

右虱 道卿戲了翁有衣領從教虱子
緣之句屢遊相鬚用荆公事

天台楊景清以所進春秋發微示余輒題小

詩其後

奏篇久矣徹凝旒誰信栖栖負笈遊新義書之於簡

策微辭知我者春秋即今未勸邇英講他日應煩掌
故求歷數先儒多晚達前孫明復後康侯

教授方君孺人劉氏哀詩二首

古昔尊年德今誰問孝廉空煩推轂薦不合相輪尖
却叟行歌樂臺卿自誌謙嗟予老而禿何以發幽潛

二

伯姊真賢婦閨門行可師雖從合祔禮似欠悼亡詩
壁已空遺挂碑誰補色絲嗟乎何及矣託此識余悲

西齋

西齋殘月上窓扉猶記挑燈共撚髭欲見阿連惟有

夢老人無夢亦無詩

題臨江郭君季韓文卷

端平初作
追錄于此

二劉三孔蕭條久直至君家擅俊聲揮麈舊曾參宿
老吹簾蚤合和諸兄怪來度度觀詩好聞說人人有
集行欲薦子虛無氣力津亭折柳若爲情

送陳諫議澈赴邊幕二首

出久孟隣爭弔賀去遲防墓畢封崇枕戈肯把碁消
夜落筆皆誇檄愈風烏幕樂哉賓與主墨衰行矣孝
移忠江東將相俱人傑蚤向明時策駿功

二

邊郵京遠近如何警報全
稀吉語多上說君王自神
武下云宰相已安和
子方盛壯宜乘塞
吾迫龍鍾懶
出窩若謁翹材問村叟
爲言顏髮轉蒼皤

瀾湍送葵一首

幽室朝方閉禪房夕已虛
反虞兒草草受弔女呱呱
石小難鐫誌庵荒少送車
老夫詩與誅泉下亦知與

送徐守寺正二首

棋枰先生子象賢向來心
印得單傳諺云蠟燭真
矣罰止蒲鞭亦肅然
執贄客多樽有酒
詬祖吏少橐
無錢璽書底事催歸急
不許却人借一年

二

聞道君侯欲解麾
士農攀臥共依依
野人恨作滕民
晚州牧能如結輩
稀雖有荔枝懶包貢
亦無薏苡可
囊歸諸公萬一詢
衰朽爲說羊裘坐釣磯

送雷宜叔右司 追錄

老戀明時未拂衣
留行無勇惜君歸
和於朝喜羣芳
聚減却春因一片
飛灞岸柳禁頻折
否玄都桃恐再
來非東皇太乙方
行令寄語風姨且
霽威

送卓漳州二首

鞞袴偏裨謁藩花
父老迎跣徒方攫
市結輩忽專城

勤撫無捐瘠寬征有願耕遙知南詔路來往漸通行

二

調發煩三郡跳梁滿四郊欲平綠林亂先革白茅包
清晝狐歸穴和風燕返巢姑行翼遂策不必待鋒交

題王推官應麟詩卷

憶與南宮共說詩傷心歲晚故人稀昔如幽谷鷺相
友今作遼天鶴獨飛絕喜王家生福峙固應米老有
元暉不須更傍人籬落名父親傳夜半衣

問訊竹溪二首

舉子窮通占得失詞臣進退繫汙隆拾青伊輩俱

上飲墨夫誰不熟中有太學生笑韓子爲西崑者謗
歐公他時陸氏庄相望始驗先生造士功

二

幾度書來說乞身果然跳出軟紅塵推黃梁枕了無
夢對紫薇花他有人杜老詩猶懷主相瞿曇法貴等
冤親竹君樗叟俱強健天遣相從寂寞濱

方蒙仲秘書哀詩三首

萬鴛鴦裏一龍媒朝發瑤池暮王臺介甫尤稱原妙
質資深亦歎軼竒才席前宣室思渠久帆近蓬萊作
麼回此去不應重謫墮海山笙鶴待君來

二

早喜燃藜向石渠豈知僅擁兩輪朱非惟却失好太守便恐世無行秘書酒漬隻雞慚薄薄表論一鷄謾區區即今交道尤難恃試問原頭幾素車

三

平生最受魯公知手簡村翁語極悲海內奇才都有幾世間瑞物不多時君歸上界騎鯨去客過新陵下馬誰筆秃無花哀久矣可堪拂拭作銘詩

聞竹溪得玉局祠二首

溪上人來暮叩關殷勤一紙報平安甘泉宿老求閑

局苦縣仙人有廢壇拜勅定披新紫毫撈齋應許舊

黃冠

僕嘗主此祠

冰澍怪得緘題異自起呼童剪燭看

二

諸君時時送捷書未知西事近何如劍關昔懼豺狼守焦獲今無儼狃居全盛海棠多剪伐久枯廟栢再扶踈漢家似欠相如檄豈特殊廷要掃除蜀閬報成殿下枯木數枝再活蒼翠可愛父老以為國家中興之兆作亭覆之

即事

病索人扶乃寢興高樓咫尺少曾登思慳惟有吟差長睡少方知老可憎楮枲成灰猶凜冽茅柴似水亦

昔騰暮年臨履常兢戰未敢荒唐說葛藤

挽林新思

君用

汗血早曾空北野蒼顏晚始對南廊風雲志懶功名
左月旦評佳意味長玉鏡相從歸吉兆錦衣不待拜
高堂吾銘未必堪傳遠留與賢郎自表岡

方氏姪女哀詩

少也矜華整俄而掃艷襪吾常才道韞汝竟妻南容
薄味寧蔬素流芳欠彤管伯兄與丘嫂淨土必相逢

再贈月逢道人

謝公早有遠志陶子已悟昨非帝允我乞骸疏汝見

吾衡氣機

二

還符去矣休矣加璧其然豈然人間有癡頑老天上
無愚惰仙

七十八吟十首

六言

大絳縣人五歲小魯申公二年楞嚴已難筆受尚書
尚可口傳

二

年八十官三品酒一斗詩百篇羽化尸解等耳宮錦
漁蓑偶然

三
新貴九遷三接故交百不一存老子進爵曰子小孫
娶婦生孫

四

傍人賀我過省此老矍然失驚不曾西上納卷如何
南宮奏名俗以七十

五

八為過省

蚤退似見幾者晚繆可追悔我已戴華陽巾去肯扶
靈壽杖來

六

竹杖下沉酣者洛社中起舞人與籍糟漢通譜是賣
花翁後身

七

紅綠各萌春意朱紫爭叙年勞鍾馗七老八大無人
與換藍袍

八

心炎罷辱交戰骨朽是非乃公物議糞土伯始史筆
芳馨而龔見王貢

九

龔鮑贊

慕赤松子辟穀學黃冠師食霞更無半空驚鶴何異

深山龜蛇

十

泛愛親疎平等狂吟古律不拘武公老猶戲謔白公
老尚嘖嘖

挽意一徐樞二首

苦言王座常追憶堅卧蒲輪未易招昔喜鳳來韶石
奏今愁黿去海山搖覆甌望絕民無福亡鑑悲深帝
輟朝欲向墓陵瀝卮酒荒煙衰草路迢迢

二

長公宿草幾番春猶幸天留一穎濱士欲捧盤定盟

主上看折檻記忠臣翟門昔有張羅歎徐墓今無挂
劍人夫子雅言武公謔尋思一一可書紳

答王與立上舍

漢唐科目各招賢中者端如拾芥然明水賦曾拘八
韻大廷策亦限三篇竊窺古調諧軒律留取高吟和
舜絃聖代作人添舍法祝君走馬止三年

答林祖武

向來思鈍費冥搜不覺呻吟到白頭曾與迺翁分雪
案今看吾子突煙樓晚多借月留雲作却悔昇天入
海求大有英材被詩賺豈如黃冊取公侯

春寒一首

撥盡寒灰轉凜然
拋書數息煖丹田
蛩吟近作勝前
作鯨吸今年減
去年薄粥聊餬魯
公口重裘猶聳孟
生肩幾時風日研
和了亂插山花藉
草眠余甚落盡
僅食粥糜

挽陳檢踏一首

坊表猶元老
郊思自復齋
美材淹選部
拙宦忤容臺
尚意冰銜改
安知玉樹埋
吾衰阻臨穴
相挽有餘哀

首春九日壽溪三絕

隻手經營費拮据
十年栽接稍扶疎
猶嫌檜栢純蒼
翠白白紅紅
間幾株

二

陶子經丘又尋壑
龐公上冢亦携家
可憐春事今年
早落盡
桃花落杏花

三

渴飲茅柴不計杯
有時跌倒在蒼苔
松風浩蕩俄吹
醒安用龍巾拭吐哉

題林文之詩卷二首

叔季詞人雜雅哇
喜君詩卷美無瑕
朋儕卻走避三
舍句律斬新成一家
肯學小兒烹虱脛
要看大手拔
鯨牙村翁豈敢持
衡尺直為癡年兩倍加

君豪自合相推異吾老猶堪共切磋有許奇奇并怪
怪直將少少勝多多風人所作詭而正治世之音樂
以和他日薰絃要賡載勿為處士五噫歌

送歐陽上舍夢桂

唐四門助教之後

許奉太夫人以住歐迎大君子而行無慙當日四門
祖起敬同時六館生反哺兒憐親老大將雛翁喜世
昇平劉詩未必如韓筆聊見臨岐折柳情

許字稼翁名禾之奉

母儼居學前

失猫一首

周遭閭室工訶夜偃息朝簷喜曝晴蹕跳似猴難攝
伏縱擒無鼠敢從橫儂貪夢蝶防閑地汝薄魚餐去
住輕赤脚蒼頭俱失察主君姑息不須驚

和外弟方遇立春

脫髮紛紛雪滿簪逢春非復少年心旋分菜把來窮
巷遙憶花枝滿上林

唐文宗詩

寒擁絮衣看謁懶老耽綺

語業緣深竹居東道風光主乞與甘棠蔽芾陰

送海豐薛縣尉

境與潮陽接傳聞盜已平丁男無轉徙孤卒有來迎
東作千村急南官幾箇清廉村遺訓在努力繼家聲

送方善夫赴鷺洲山長二首

奎畫煌煌天上來遙知繫馬向堂堦官衙恠得清如
許文館雖然冷亦佳尚論鄉先宜合祠舊傳湖學各
分齋未應久作諸侯客帝有薰琴待汝諧

二

柴門病後少曾開今日人扶出郭來君奉潘輿貧亦
樂我貪漢橐老猶歎明師不患無高第大匠何嘗有
棄材若見蓬仙煩問訊掉頭一去幾時迴

老病六言十首呈竹溪

賤臣通金閨歲先帝憑玉几年韋曲桑麻如舊茂陵

松柏參天

二
髮

恰則垂髫兩鬢俄然攬鏡千絲昧老聃守黑義動墨
子染白悲

三
耳

昔似子期善聽今如祈父不聰怕有學人問話向道
老僧害聾

四
目

射虱心法未親讀蠅頭字不真顧我八十餘老見公
兩三分人

五口

存三四齒皆碎落第二牙尤衰渠能更斫鯨膾何不
姑食肉糜

六鼻

蕭簪數步聞臭荀令三日猶香老子年來鼻塞不分

鮑肆麝芳

七腰

客來怕折枝揖詔下尚扶杖觀佩呂翁一瓢易懸李

子六印難

八手

七竅豈堪頻鑿百骸漸覺不仁若非右臂作字迺公

已是廢人

九足

識鄭尚書曳履嫌高將軍浣靴難伴小兒上樹且饒
跛子看花

十

假合幻軀難靠天壽定數孰逃屈子大招奚益淵明
自挽最高

竹溪再和余亦再作

牽率耆英入社攀留窮鬼忘年華胥國在吾宇桃花

源有別天

二髮

老醜難瞞青鏡純白不生黑絲露頂禿鷲堪笑垂頭
病鶴可悲

三耳

海潮音入佛耳薰風句達席聰我已陽喑不語君無
借聽於聾

四目

薄霧乍舒乍卷空花是假是真我曾有刮膜者世豈
無明眼人

五口

謹守三緘晚默僅含兩齒早衰先賢食粥乞米猷漢
炊沙作糜

六鼻

紙帳參梅花觀銅彝炷栢子香適夢游旃檀國覺來
元在禪房

七腰

竹馬抗曾聚戲金魚徒美外觀隨柱史青牛易騎回
仙黃鶴難

八手

掇英可以忘憂採薇可以求仁忙殺遮西日客愧死
攫白晝人

九足

舍車出郊步履繫鞋入院不靴未妨扶九節杖似曾
踏八磚花

十

誰能遜而無悶吾非惡此欲逃林下寂寂人少花間
纍纍冢高

寒食清明十首

時節澆松近人家擘紙歸但

乞墻非

二

原沉向九泉推死已千年有水皆爭渡無村不禁煙

三

老人七十八佳節一百五叮嚀海棠花更可數日不

四

唐朝知制誥多付與詩人豈有飛花句虛爲起草臣

五

當年傳盡燭帝遣快行

山齋卧

目自結

六

只靠詩娛老安知病著身不能繫白日且可買青春

七

楊柳堤邊立茶蘼架下行不知遺一老更看幾清明

八

向來稱閣老歸去作園翁鬚髮已華皓藥薇應紫紅

九

村酒家家熟溪船處處通香山妄分別學士與誰同

十

輕薄墜鞭子清狂謁水生如何老杜甫也作麗人行

春旱忽雨五絕

秧愁晴曝死花怕雨摧殘野花非常撓天公不

二

樂歲何嘗飽春陰忽又晴一之其可再四者每難并

三

雨似黃流決雲如墨汁翻未言豐九扈已覺飽千村

四

周匝荒原徧延緣斷港通馬繫渠有力龍骨爾何功

五

鮭菜饁耕者雞豚賽社公不聞車軋軋但見鼓鼙鼙

迎居厚弟二首

少日魚同隊中年鴈失群寧師楚勝舍不羨洛機雲

春夢謝池草冰銜漢閣芸向來麾節處盡說小馮君

二

昨日傳脩觀明朝說祝釐予歸寧悻悻子去亦遲遲
已草引年疏重吟聽雨詩如何無一字端的報來期

真珠花

匝地無人管逢春作意開得非迴合浦又似下瑤臺
點點垂鮫淚纍纍奪蚌胎主君休愛惜曾累伏波來

挽鄭判官

一桂

族譜康成裔先儒穀叔孫漢廷無表薦魯壁有青存
蓮幕翻留滯萱堂廢清溫吾衰慙宋玉不解賦招魂

後村先生大全集卷第三十四

詩

紀游十首

倦後入蒲龕
快時出草庵
偶圓靈照話
亦放善財參

二

捫蘿伏虎巖
把釣斬蛟潭
偶有樵夫過
呼來與共談

三

昔與二龍友
同尋九鯉祠
百身何可贖
一老偶然遺

謂孚若子敬

四

二客如龍虎同登蠡井顛吾今成聾叟渠久作飛仙
謂師復字若

五

北郭西郊外聯鞍共探春惟應舊猿鳥猶記西詩人
謂東海仲白

六

篋有亡友詩愈久愈鮮健不歸芙蓉城定返靈芝殿
謂實之

七

照眼園花發傷心墓草陳君謨兩字謚迂叟九分人

謂德潤

八

軒豁百觚量昂藏九尺身如何天奪盡真率社中人
謂元邃

九

自為遺老傳或入少年叢我已無同輩誰能起此翁
謂元質

十

由晉以至唐幾人作文字前有酒德頌後惟醉鄉記
和徐常丞洪秘監倡和四首

一著能回一局輸安危豈不繫茲儒樂卿昔去曾入
海老監今歸但乞湖阮子杖挑聊共出麻姑榼送不
煩沽二仙占斷壺中景不許長房跳入壺

二

紛紛博局迭贏輸孰是真儒孰盜儒履道宅佳多輦
石輞川亭巧恰臨湖可無詩喚劉郎和偶有錢同鄭
老沽却笑吳兒拚命者潮頭如屋靠腰壺

三

孤忠鬱積未全輸臧氏其如命世儒歸治隱棲秦系
里去留遺愛葛仙湖一辭吾已抽身退十襲公非待

價沽大手會當摘玉檢婁人只合傳冰壺

蘇太簡有冰壺先生傳

四

公詩妙巧過般輸蚓竅何堪和大儒豈敢分廷抗鯨
海頗思越邑會鵝湖薰蕕年老迷香臭酒浦涎垂向
市沽病起帶圍渾減盡免教人誚腹如壺

又四首

咄咄清流久灌輸帝虛館殿待名儒縱
嶺未抵鳩夸泛太湖青史方將觀晚節黃封
村沽書言耳重知君意怕聽朝雞與漏壺

二

已稟忠言未及輸豈知窮鬼迫臞儒諸生絕就
野一束芻留孺子湖室有瓶儲聊自給帘夸椀
人沾風濤如此行何適猶幸中流得一壺

三

薄收僅足了冬輸晚覺明農勝業儒稍喜塵清如
峒更祈田熟似蕪湖小船楊柳陰中泊大斗杏花深
處沽游冶歸來天欲雨雲邊玉女屢投壺

四

幸無再權與三輸半粟猶堪活窶儒寧揖劉郎歸釣
瀨肯于孟守覓嶲湖盃中物至休辭飲膜外名虛不

必沽晨出作勞宵穩睡管他布穀更提壺

贈碧眼相士六言二首

其人云
余耳白

耳白無蓋世名眼碧有奇中語老夫定非醉翁相人
莫是初祖

二

荀卿子論心形許負書說氣色我雖
看未成碧

檢校樗庵花木二首

我與茲山殆有緣手栽一一已參天主林神點
佛老樹精乖意是神仙留客看花聊席地課僮種樹

頻澆泉丹成未可匆匆喫且向溪邊住十年

二

林密山深客少過暮年杖屨此婆娑桂開香
窟檜長高於窳堵坡不記元暉紅芍藥且栽
蓑荷聖立未必知爲圃何似姑師郭橐駝

送龍巖林主學

子濟

官冷君行勿鄙夸儒風未有盛斯時進青衿子談仁
義爲紫陽公廣舊規然否聽人來議政尊嚴無士敢
嘲師壅鹽堪飽芹堪采况值文翁適擁麾

北苑一首

春汲常分任中筭久服勤汝何慙絡秀吾自誌朝雲
客送西州路兒封北苑墳淒涼蒿里挽未必九泉聞

卽事

醫書攻百病惟有老難醫霧眼朱成碧霜顛涅不緇
炎涼蒼狗變光景白駒馳忽見鏡中若驚詢汝是誰

暮春一首

謝館王亭安在哉荒村亦自有池臺苦嫌野蔓紫纏
竹甚愛殘花點綴苔老送病來推不得歡隨春去挽
難回未應寂寞無心賞墻外葵榴次第開

漫興一首

經行中野多新塚，檢點高陽少舊徒。縱不能陪雍
禮，尚堪添入洛英圖。愛東臯子生沉醉，慕北山公死
謚愚。賴有小詩自陶寫，何須著論學王符。

安溪黃明府得子次徐常丞韻一首

宰公心印佛心慈，吉兆前知抱送期。喜溢親闈占鸞
鷺，來從帝所下麒麟。芝蘭庭戶芽初茁，荼堇原田
變飴加。我數年渠稍長，要看總角出吟詩。

錦湖新亭告成宸翰大書水村二字以落之

二詩輒附賀客之後

暫辭玉笋眷猶濃，朝野皆知不世逢。賀老曾求湖一

曲，希夸亦乞華。三峰鳳銜奎墨飛，華扁虎拜觚稜。
折御封帝以此翁，深易學除官一似鄭司農。

二

自說秋毫盡帝恩，煌煌義晝照乾坤。偶留佳客常投
轄，怕礙游人不設門。枕麪先生傳醉種，詠梅處士有
詩孫。何須更羨東西陝，君管南村我北村。

二和

主人卜晝衆惟濃，今孟嘗君豈易逢。漲水已堪航別
港，宿雲何必帽前峰。三千客各聞風至，一曲湖勝裂
地封。小試此翁開濟手，不妨行樂不妨農。

二

四傍山色青環郭八面波光練抹坤天造居然成別
墅帝招未肯入脩門愛蓮豈欲希周子起蕝終難笑
叔孫介甫爭墩人已笑老夫安敢又爭村

三和

野色湖光淡復濃阿香神女巧相逢金篦莫辨煙中
樹蠟屐難登海上峰帝眷驛馳丹詔問客歸亭有白
雲封邊無牧馬村無犬擊壤何妨作老農

二

擊磬何須入于海括囊未免取諸坤尋盟今已白鷗

社待詔昔曾金馬門魚戲罕逢同隊子雞窠會見二

毛孫唐人詩子孫皆二毛兩翁未易分優劣一樂山村一水村

四和

鯨吸仙人飲興濃尤嫌惡客懶迎逢逆風弱水三萬
里夢雨高唐十二峰詩派相邀容入社酒泉雖遠願
移封葑田畢竟勝高仰猶可躬耕佐大農

二

臨淵細味心亨坎卜築先占地勢坤說易何妨遇于
野談玄亦入妙之門賜金莫惜娛賓客堆笏猶堪遺
子孫不比酸寒杜陵老破茅草屋傍江村

五和

霧掃山如潑黛濃一開口笑古難逢
斬新種柳輞川水火急移蓮玉井峰
甚愛名花當輦致遠求佳果莫
函封人生惟有田園樂未可輕將仕易農

二

江湖浩渺常存闕雲漢昭回妙闡坤
妓或携來安石野客誰叛去翟公門
戴花老豈非同姓拾穗翁猶有
遠孫殺馬毀車吾老矣尚堪扶杖過鄰村

席間次水村主人韻

游人似蟻磨邊旋驚怪壺中有別天
鐵畫誰如奎畫

妙錦湖賽過鑑湖賢懸知星照巖光瀨
不管江通魯

田昭代未應無狗監誦公新作冕旒前

挽鄭計院

方與譽髦連茹進忽然避弋下喬來
空令歸訪盟鷗社不使重登市駿臺
古有益嘗能好客今無鮑叔肯
分財吾衰難秉銘幽筆短些淒涼不盡哀

答文林之

筆勢翩翩漸入佳晨簷恠得鵲查查
勞謙君子方求又老禿中書不夢花
商頌以前殊簡短衛風而下稍淫哇
鶴天鯨海無邊際莫費工夫衲百家

盜發蔡端明墓一首和竹溪韻

忠惠松楸過者欽誰知藏伏禍機深英魂久向茲埋
玉佛面今爲汝削金下馬三號空洒淚磔墓萬段亦
甘心邇來野外無全塚謾使閑人憤滿襟

又盜棄端硯一首

克衣孔履世猶欽此硯隨公歲月深璞美止緣鸚眼
價高不數裏蹠金虬髯尚破偷兒膽麟筆曾誅賊
子心今代安知無雋尹傳經決獄肯披襟

送方漳浦景子

頗聞送者詩盈軸我有樵歌子試聽巖邑雖然人所

畏奮民均是物之靈二升飯了官中事一字廉真座
右銘見說守侯如召杜斷無走吏至公庭

和林太淵二首

筆端舌本鈍如槌自畫村眉不入時門巷張羅賓客
去車輪生角僕夫悲共游洛下凋零盡末句巖頭囑
語誰爲吾子師余豈敢伊家元有大宗師

二

英聲藉甚自髫年聖處聞之於滕邊廟瑟久無人續
斷國棋誰與子分先書經秦火訛難讀鉢至曹溪靳
不傳功行滿時空鶴下未應山澤著臞僊

裡霈進封一首

忽得中都訊
綸言下玉墀
名爲開國子
實類出家兒
不記操麻卷
猶堪譜荔枝
吾方抽手板
穀壁欲安施

目疾一首

疾起自肝家
眵昏認物差
昔如虹貫月
今隔霧看花
暝鵲驚飛匝
涼蟾瞥露些
廟堂見章奏
應笑字欵斜

送游潮州二首

霜簡剛言壁
有瑕清朝耳目
不應差醉翁
絕少環滁
飲范老何心
慶朔花省庫錢
皆留享上高齋
琴却帶
還家卻平舊圃
元無恙未必封侯
種瓜

慶朔堂在饒州郡圃見范公詩

二

雖森畫戟惟清嘯
因討紅巾有雪鬣
孟子曾稱伯夷
隘漢人亦議弱翁
嚴交游皆歎遺公
誤仇怨猶言太守
廉可惜道人官久廢
此詩淹鬱在閭閻

左目痛六言九首

深碧非少林
祖暴赤疑歸宗僧
何須近青藜
杖不如
如紫石稜

二

親燈似鳩撮
蚤對卷如懶
祭魚今已作白骨
觀昔曾
校黃本書

三

詩到歌行尤妙傳與國語並行艱辛張籍病瞎浮誇
左丘失明

四

昏花廢干祿書麻啖類辟瘟符草字見嗤醉禿小楷
難付官奴

五

晚歲甘爲瞽史前身不是離婁喜梵夾書送老惡巾
箱本如讎

六

儒醫診肝脉去小童負藥笈從吾寧作一目鬼古曾
有獨眼龍

七

熏沐不欺暗室呻吟少下禪牀悟後盡除業障定中
或放毫光

八

早耽蔡譜華妙晚受明書深長始悟擘紅異味不如
守黑單方

九

閣上束三千卷墻角棄二尺檠此玉函方不載無金

篋刮亦明

後九首

弘景醫已去矣盧扁書久無之怕騎瞎馬浪出安用
日逐奔馳

二

經來葱嶺絕域書出汲縣古冢饒君一目十行如彼
千瘡百孔

三

痛定偶成短夢驚迴如近清光黃帕牙篋開卷絳紗
玉斧照牀

四

夜眠便甘菊枕晨起避凌霄露信爾雅幾委頓註本
草不宜誤

五

力疾搜腸草制忍痛撚髭改詩鐵燈我藥同好金蓮
炬彼一時

六

點點回光反照津津勿藥有喜八荒入吾闥中四海
在我牆裏

七

坐井成小眼孔面壁得大醫王淨洗三生熱惱不煩
一服清涼

八

老去具一隻眼向來隔幾重膜盡見夫子宗廟遍觀
彌勒樓閣

九

吾今垂老示疾君普與人作緣尚能續華陀傳何敢
負宋清錢

陳左藏之溫陵

蔚鬱相門望新書在所銜昔隨翁出宰今見子封男

老及歲不我與眼空吾誰適從蒙叟達觀鵬鷄子雲
自視蛇龍

七

靜中面壁打坐倦後拋書投牀認自家一尺捶管渠
儂萬丈光

八

朱顏無藥能駐白髮緣愁許長昏昏枉讀萬卷
起瞻四方

九

乍可頻看短劍渠肯高張長檠已與鷗盟浩蕩休思

鵠立通明

又和後九首

覺性靈明自若本心利欲食之大觀如夢如幻
坐忘坐馳

二

學仙燒汞成灰學書埋筆爲冢羨關尹喜見岍希顏
氏子瞻孔

三

寒儒賴有雪映貧女那無績光十眼今依佛閣重瞳
昔侍舜廊

大隊驚行至遺民馬首參擊鮮良不惡何日返槐南

陳卽玉汝之官

擇地喜將父戴星勤坐曹阿奴已傷錦吾子好更

大尹徵求寡先賢撫字勞直須琴調古莫倚棒頭高

目痛一月未愈再和前韻九首

開之則新生犢閉之則入定僧有時起瞻斗極有時
遙望觚稜

二

悔名草木鳥獸住校亥豕魯魚識字惹客問字懶書
怕人索書

三
隘矣匹夫疾視鄙哉主父倒行止酒看花濺淚吹簫
見月羞明

四
無復燃藜照向徒以親燈勸符掩卷嫌弄穢史
罵玄老奴

五
鬚眉似是綺皓耳目已非曠婁受明上座頂禮
老公成讎

六
康術鷹眼不化處仲蜂目亦露我自觀人訣汝勿
為相者誤

五
白簡定 字黑屏倒月蝕詩嗜學心無止法讀書
眼有還時

六
入槐見蟻榮華賦芋覺狙怒喜脫離黑暗獄中透入
光明界裡

七

自遣病魔病豎不干藥上藥王洗眼菊泉舊本照懷
零月新涼

八

浮雲月之障礙蒙氣日之翳膜已把太玄覆瓿更將
三傳來閣

九

憂患長我意智苦樂隨渠業緣貴人銀燭按樂書生
紙裏見錢

送方郎唐卿漕試

翁已鞭鸞上九霄此郎雖少亦清標斯文尚有嫡傳

在每見能令人意消身退吾難論一鶚才高君必中
雙鵬漢廷急士將親策想見諸儒避董鼂

自題長短句後

春端帖子讓渠濃別有詩餘繼變風壓盡晚唐人以
下託諸小石調之中蜀公喜柳歌仁廟洛叟譏秦媒
上穹可惜今無同好者樽前憶殺老花翁

勉千里姪秋試六言四首

而翁二子絕竒其季虎中最怒期此郎甲科郎跨王
父曾王父

二

童習好雕篆作相業寓混成篇猶之射者百中勉旃
原天一聯

三

茂才異等息響太祝齋即比肩汝伯何由漆髮我家
舊有青氈

四

老去思猶盛壯吾光陰已差老不堪螯弧先登尚可
麾旗傍課

中秋大風雨十四夜作五絕

誰喚阿香推情知雨必雷不干英二事也伴阿姨來

二

冰輪

妬不管素娥愁

三

好客期難至清歡擬即差不逢
鏡何處覓金臺

四

詔歲銀袍盛頭場玉鑑明妃靈如有助娥老尚多情
即禱晴
於白湖

五

昔血滴耕夫愁眉蹙賈胡良辰風雨至不復田禾蘓
俗說中秋月
皎田禾皆熟

縱筆一首

鄴下徐陳逐逝波意一抑齋僅留老子尚婆娑
吾宗世戴花舞大羞誰能鼓缶歌
松下尋常無喝道花間游賞有行窩
癡人逐物回頭少看到棋終恐爛柯

後村先生大全集卷第三十四

